

United Armenian Council
For the Commemoration of
the Armenian Genocide
Los Angeles



Հայկական Ցեղասպանութեան
Ոգեկոչման
Միացեալ Մարմին
Լոս Անճելլոս

Հաղորդագրութիւն Թիւ 2
Ապրիլ 16, 2013

Հայոց Ցեղասպանութեան 98-րդ Ամեակի Ոգեկոչման Հաւաքի գլխաւոր բանախօսն է՝ միջազգային դատաւոր Ճեֆրի Ռոպըրթսըն

Հայոց Ցեղասպանութեան Ոգեկոչման Լոս Անճելլոսի Միացեալ Մարմնի կազմակերպչական աշխատանքները կը շարունակուին բուն թափով՝ Մոնթեպելլոյի Նահատակաց Յուշարձանին առջեւ, Ապրիլեան Եղեռնի 98-րդ ամեակը հանդիսաւոր կերպով նշելու, որ տեղի պիտի ունենայ Չորեքշաբթի Ապրիլ 24, կէսօրէ ետք ժամը 1:30-ին:

Օրուայ գլխաւոր բանախօսն է՝ Բրիտանիոյ քաղաքացի, միջազգային իրաւաբան եւ դատաւոր, Հայոց Ցեղասպանութեան միջազգային ճանաչման կողմնակից, մարդկային իրաւանց օրէնքի դասախօս՝ Ճեֆրի Ռոպըրթսըն, որ Միացեալ Մարմնի յատուկ հրաւերին ընդառաջելով Լոս Անճելլոս պիտի գայ Լոնտոնէն, եւ իր պատգամը պիտի փոխանցէ ներկաներուն:

Ճեֆրի Ռոպըրթսըն գործած է բազմաթիւ երկիրներու մէջ իբրեւ փաստաբան՝ սահմանադրական, քրեական եւ միջազգային օրէնքի մարզերէն ներս, ինչպէս նաեւ ծառայած է ՄԱԿ-ի մէջ իբրեւ դատաւոր եւ առաջին նախագահը՝ ՄԱԿ-ի Սիեռա Լիոնի պատերազմական ոճիրի ատեանին: Ան հեղինակն է միջազգային ոճրային օրէնքի առաջատար գիրքին՝ «Մարդկութեան դէմ ոճիրներ - պայքարը համաշխարհային արդարութեան համար»: 2011 թուականին ստացած է Նիւ Եորքի իրաւաբաններու միութեան «Միջազգային օրէնք եւ քաղաքականութիւն» մրցանակը:

Ռոպըրթսըն երկար տարիներու ընթացքին ուսումնասիրած, ապացոյցներ հաւաքած, եւ հրատարակած է Հայոց Ցեղասպանութեան մասին: Ան հեղինակաւոր իր վերլուծումը կատարած է, փաստելով, որ թուրքը ցեղասպանութիւն գործած է այնպէս ինչպէս որ կը սահմանուի միջազգային օրէնքով: Ան նաեւ ապացուցած է, որ Անգլիոյ մերժումը այս իրականութեան կը բխի այն վախէն, որ թուրքերը տնտեսապէս կրնան հակադարձել: Հեղինակն է նաեւ Մարդկային իրաւունքներու Եւրոպայի դատարանին ներկայացուած այն պաշտօնագրին ուր կը հաստատուի Լեոնային Ղարաբաղի պահանջատիրութիւնը անկախ պետականութեան:

Բանախօսէն զատ խօսք պիտի առնեն քաղաքային, նահանգային եւ դաշնակցային մակարդակներու վրայ գործող պաշտօնատարներ: Դրօշակի արարողութեան իրենց մասնակցութիւնը պիտի բերեն Հ.Մ.Ը.Մ.ի եւ Հ.Բ.Ը.Մ.ի սկաուտները եւ ապա՝ ծաղկեպսակներ պիտի զետեղուին մասնակից աւելի քան 50 կազմակերպութիւններու եւ միութիւններու կողմէ:

Յարգելի հայրենակիցներ, Չորեքշաբթի Ապրիլ 24ին խոտնէրամ ուղղուինք դէպի Մոնթեպելլոյի Նահատակաց Յուշարձան, յարգելու համար յիշատակը մեր 1.5 միլիոն անմեղ նահատակներուն եւ անգամ մը եւս յիշեցնելու աշխարհին թէ մենք պիտի շարունակենք պահանջատիրական մեր պայքարը մինչեւ միջազգային ճանաչում եւ արդար հատուցում:

Փոխադրակարգեր տրամադրելի են.- St. Mary's Church in Glendale; St. Garabed Church in Hollywood.

Հայոց Ցեղասպանութեան Ոգեկոչման
Միացեալ Մարմին – Լոս Անճելլոս